

გ. ლომთათიძე

ცხრათბითი თველა

და მისი

წამოთმუთი სეფუქვილი

ტფილისი—1929



გ. ლომთათიძე

# ცხრატბითი თვლა

და მისი

# საერთოუბო საფუძვლი

30404



ტფილისი—1929

ს. მ. უ. ს. პოლიგრაფტრესტის მე-2 სტამბა, ლენინის ქუჩა, № 3.

მთავლიტი 989.

შეკვეთა 1155.

ტირაჟი 2000

# ცხრაობითი თვლის სისტემის წარ- მომშობი საფუძველი

(წაკითხული მოხსენებად საქ. საისტ. და საეთნ. საზ-ის სხდომაზე,  
1929 წ. I თებერვალს).

ძველად ყველა ხალხში გავრცელებული იყო ე. წ. ცხრაობითი თვლის სისტემა. სათვალავის ამ სისტემას ხალხი ხმარობდა როგორც სიტყვიერებაში, აგრეთვე პრაქტიკულ ცხოვრებაშიაც (ვაჭრობა ალებ-მიცემობაში). ძველად ეს სისტემა ყველა კულტურულ ხალხსა ჰქონია.

ქართველები, როგორც ძველადგანვე ცნობილი კულტუროსანი ერი, ხმარობდნ აგრეთვე ამ სისტემას. ამისი აუარებელი საბუთები მოიპოვება როგორც ჩვენს სიტყვიერებაში, აგრეთვე პრაქტიკულ ცხოვრებაშიაც\*).

ამ სათვალავს საქართველოში ოფიციალურად უარსებნია მე-XVIII საუკუნემდე. მე-XVIII საუკუნეში საქართველოში ევროპიდან რუსეთის გზით შემოდის ე. წ. „დჟუჟინი“ და იგი იჭერს „ცხრის“ ალავს.

ჩვენი მიზანია გამოვიკვლიოთ ამ სათვალავის წარმომშობი საფუძველი. მაგრამ სანამ ამას შევუდგებოდეთ, საილდუსტრაციოდ მოვიყვანთ ზოგიერთ ნიმუშებს ჩვენ მიერ შეკრებილი ხალხური სიტყვიერებიდან.

---

\*) იხ. „დავთარი ქუთათისის საყდრის გამოსავალი ბეგრისა“. საქ. საისტ. და საეთნ. საზ-ის წიგნთ საცავი № 626.

## ბურიის მასალები.

იგი კაცი რა კაცია, ცხრაი ხელი რომ აცვია?  
(სიმინდის ტარო).

„პეტრე არის დიდებული, ჩიჩვირჩამოკიდებული,  
ცხრაი კეცი ჭადი უნდა ერთქამეტზე მიდებული“.

რა-თა-თა-რი, რა-თა-თა-რი.  
ერთი გურჯი\*)—ცხრა თათარი.

გურიაში ისმის ასეთი გამოთქმები: „ცხრაჯულე“—უნდო, მატყუარა; „ცხრაჯელ მონათლული“—მეტად სათნო და პატიოსანი. საბედითო ამბის, ან სიტყვის გაგონებაზე იტყვიან: „ჯვარი აქოურობას!.. აქანე ყორიფელი კაი!.. ცხრა ფთას იქით!.. ოქროს საყვირი!“\*\*)

იქვე ჯანჯუხას ცხრაობით ჰკრავენ და ითვლიან: „წროულს დავაკეთე ხუთი ცხრა წიწიპოას ჯანჯუხა, შვიდი ცხრა ნიგვზის ჯანჯუხა, ექვსი ცხრა—თხილის, რვა ცხრა—ვაშლის, ათი ცხრა—სხაღის ჯანჯუხა“. „ჩემ სიძეს სამი ცხრა ჯანჯუხა მივართვი“. „ნათრულმა ოთხი ცხრა ჯანჯუხა მიფეშქეშა“.

გურიაშივე იციან ე. წ. ცხრამარტობა! ცხრამარტობას გაუშვებენ ცხენს ნედლ ბალახზე და დააბამენ ხმელზე მხოლოდ ნოემბერში. ასე რომ, ცხენს ნედლი ბალახი უწევს ცხრა თვის განმავლობაში.

ცხრამარტობას გურულის აზრით კაცმა უნდა ცხრა

\*) რუსეთ-ოსმალეთის ომამდე ეს ლექსი ამ სახით იმღერებოდა, მაგრამ ბათუმის აღების შემდეგ „გურჯი“ შეიცვალა „რუსი“-თ.

\*\*\*) ქვემო იმერეთში იტყვიან: „ოქროს საყურე“:

დარგოს, ცხრა დამყნოს, ცხრა დაამაგინოს, ცხრა გადახტეს, ცხრა დალიოს, ცხრა შესჯამოს, თუ შეყვარებულია—ცხრა აკოცოს.

იქვე არის გადმოცემა: ცხრამარტობას ცხრა მტკაველი თოვლი მოვიდაო. დილას შიგ ჭოკი დაარქვეს და საღამოს წაიქცაო.

სამეგრელოში წურბლით სისხლის გაღება ცხრა მარტობას იციან.

## ხევსურული მასალები.

ცხრანი ვირს ეხვეოდნენ და „ვაი ჩვენს უკაცურობასაო!“

ტიტველიო ცხრათ ცვარცვიანო“ და ვერ გაცვარცვესო!

ძმათა დავლნატრი ბევრათა:

მზე ცხრაკნით ამოუხდებაო... და სხვა.

როშკის გორ შუშპრობს ღილღველი:

„ხევსურნი მინდან ცხრანიო“.

თინიბეგს გაულესავის

ღერენაიშვილს ხმალიო“... და სხვა

...კამატურას გორ წამოდგეს ძიმის ძენი ცხრანიო.

კვათეს ჩაყარეს ისარი რო დილა ცამა ნამიო... და სხვა.

ქალმა თქმა თამარ ნეფემა: „ქართველთა ვერრა გავიგე: ზღვას იქით ნემსად გაუელ, საბალახეებ ავიღე;

შუა ზღვას ჩავდგი სამანი, ხმელეთი ჩემკე დავიგდე. ამდგენი საქმის მოქმედმან ცხრა ადლი ტილო წავიღე“.

გაიგეს არხოტიენებმა, მუხლებს შაუჯდა ქარია...  
**ცხრანი** სახარეს წავიდეს, ვინც კაი მეომარია... და  
 სხვა.

ომობენ ხახიკაურნი პირშიშველანი ყმანია,  
 ძაღლიკას ჩამოხვევიან ხახიკაურსა **ცხრანია**... და სხვა.

ძაღლმა **ცხრა** ჯალაფი ინატრა და ციცამ ერთი ბე-  
 ბერიო.

### ქართლის მასალები.

დილით მზე ხარ მოღრუბლული, ელვა-ჭექა შენზედ  
 ვნახე.

**ცხრა** საათი ღამე იყო, რთვილს აგდებდა—მაშინ  
 ვნახე.

ან ეს უნა გამოიცნო, ან საღვინით ღვინო ნახე.

==((ცისკარი)).

სამი წვეთი სისხლი ვიყა

მამის ხელში დაფარული, მდგნარი მე.

ღედამ სტუმრად მიმიწვია,

მასთან დავრჩი:

**ცხრა** თვე, **ცხრა** ნიმუტი, **ცხრა** წუთი.

რომ გავიდა

**ცხრა** თვე, **ცხრა** ნიმუტი, **ცხრა** წუთი,—

დავპტრიალდი, შობელს ვატკინე გვამია.

ზემოთში ქალი ვითხუე, სახელათ ქვია დაროო,

**ცხრა** თორნე პური შეჭამა, სულ დამინტრია თა-  
 როო\*).

\*) ეს ლექსი იმერულია.



...შიგა ზის ქალი ეთერი, ყელი მოუღერებია,  
**ცხრანი მუღნი** გვერდს უსხედან, ყველა პირისთა-  
 რეშია.

**ცხრა მაზლი** კარებს უდგანან, დაღესილი აღმასია...  
 და სხვა („აბესალომ და ეთერი“)

საქართველოს ყველა კუთხეებში ისმიან ასეთი გა-  
 მოთქმანი: „**ცხრა მთას იქით**“, „**ცხრათვალა მზე**“, **ცხრათა-  
 ვიანი დევი**“, „**ცხრაკლიტული**“, „**ცხრა ტკაველა ძილი**“.

ზემო იმერეთში მელოგინეს ნახვის დროს ძღვნად  
 მიაქვთ **ცხრა პური** და **ცხრა ხაჭაპური**.

უნახავმა ნახაო—ცხრა მთა გადალახაო.\*).

მეზღვაურებს შენიშნული აქვთ, რომ ღელვის დროს  
 საშიშია, მხოლოდ **მეცხრე ტალღა**. მათი აზრით ტალღა-  
 თა სიძლიერე თანდათან იზრდება და **მეცხრე ტალღას-**  
**თან** იგი აღწევს უმწვერვალესობას. თუ ხომალდი **მეცხრე**  
**ტალღას** გადურჩა, ის უზრუნველყოფილია დაღუპვისაგან  
 მეორეჯერ აგორებულ **მეცხრე ტალღამდით**. **ცხრის** შემ-  
 დეგ ტალღა აღარ იზრდებაო. რუსი მეზღვაურები девя-  
 тый вал-ის ჰიპერბოლად ხმარობენ „шквал“-ს. („Мы пе-  
 ревернули трон вампира и побороли бурный шквал“).  
 თუ ზღვას მართლა აქვს ამისთანა კანონი, მაშინ ამის  
 შესახებ უნდა ვკითხოთ მთვარეს, რადგან საბუნებისმეტყვე-  
 ლო მეცნიერებას შენიშნული აქვს, რომ მთვარეს მართლაც  
 გავლენა აქვს ზღვის ტალღებზე.

პირველყოფილი ადამიანი კმაყოფილდებოდა მხო-  
 ლოდ იმ ბუნებრივი საშუალებებით, რაც მის განკარგუ-

\*) კახური ანდაზა.

ლებაში იყო, რასაც მისი ცნობიერება მისწვდებოდა, და რომლებიც დაბადებიდან განუყრელად თან ახლდნენ მას. ეს საშუალებები იყვნენ ნაწილები ადამიანის სხეულისა, ან და კიდევ ის, რასაც თავის გარშემო ჰხედავდა.

აი ამ საშუალებებიდან დაიწყო ადამიანმა სხვადასხვა საგნებისა და სხეულების გაზომვა. ადამიანს ეს საზომები აღებული აქვს ორი სამყაროსაგან: ა) სამყარო ბიოლოგიური და ბ) სამყარო გარემო ბუნებისა. ორივე ესენი ადამიანს აღებული და შესწავლილი აქვს ერთსა და იმავე დროს. და ეს საზომები ხალხის პრაქტიკაში დღესაც კი ხმარებაშია.

სანიმუშოდ მოვიყვანოთ მაგალითები. \*)

## საზომები ადამიანის სხეულის ნაწილებისაგან გამომდინარე. \*\*)

### ერთი ფჩხილის ადება

„...მაგრამ მათ ღიმილს და იმათ გრძნობას, სიხარულს, თუ ფიქრს, მათს მოქმედობას ფ რ ჩ ხ ი ლ ის ო დ ე ნ ი ც აზრი არა აქვს“... და სხვა.

ი. ჭავჭავაძე.

### თითის გორება

#### ორი, სამი, ოთხი თითის დადება

„სოფელში ახალგაზრდები თოფიარალში სხდებოდა, ბეჭებს ამახსნეს ტყვიანი, თ ი თ ი ა რ და მ ე დ ე ბ ო დ ა“... და სხვა.

\*) სრული ლექსიკონი სალხური საზომებისა ცალკე შრომად გვაქვს დამზადებული.

\*\*) მაგალითები ყოველგან გურუღია, მოტოები—საერთო.

**ხელის დადება** (იგივე ოთხი თითია).

...„ხელის დადება ფერმუმარულს იდებს პირზე“...

(„კუდურ-ხანუმი“ აკაკისა).

**ცერიანი ხელის დადება**

**გოჯა**

**ცილა**

**ტკეველა**

„ცამტკავლით, ციდი თ ქვეყანა

ნახეთ თუ გაიზომება“!.. და სხვა.

**ცხთაი** (იგივე ფუტი).

**გადამფხრა**

**კაციის სიმადლე**

**აწეული ხელის სიმადლე**

**გახტომა**

„პურადი კაცი მამაცზე

სამი გახტომით მეტია“.

**ერი ცხენის გაჭენება**

**ხელი**

ერთი ხელი გვზითი, ორი ხელი ქვეშაგები, ერთი ხელი დანაჩანგალი.

(ხუთი ხელი ნარდი ვითამაზე. ორი ხელი წავაგე! სამი ხელი მოვიგე).

„იგი კაცი რა კაცია,

ცხრაი ხელი რომ აცვია?“=(სიმ. ტარო).

როგორცა სჩანს, რასაც ჩვენ დროში აღნიშნავს

„ხელი“, იმას ძველად აღნიშნავდა „ტანი“.

„კიდობანი გაჭხსნეს, ჰპოვეს

მუნ აბჯარი სამი ტანი“.

(ვეფხის ტყაოსანი)

**თავი** (ორი თავი თევზი. ექვსი თავი სიმინდი. წიგნის I, II, IV, VIII თავი. ერთი თავი შაქარი. ათი თავი ხახვი).

**კბილი** (ოთხი, ხუთი, შვიდი კბილი ნიორი).

**კვენტა** (ერი კვენტა ჩალა, სიმინდი, შეშა არ მაქო, იტყვიან)

**თვალი** (ხუთი, ექვსი, ათი **თვალი** სახლი).

**კაკალი** (ერი **კაკალი** კვერცხი, ორი **კაკალი** ნიგოზი, სამი **კაკალი** ვაშლი, სხალი. „წაგხთი **კაკალი** **კაცი!**“ „ერიკაკალე ბალანე მყავსო“, იტყვიან).

**ფხარი**

„ლურჯი სუფრა გაუშალა,  
იქნებოდა ასი მხარი“...

**ზრუგი**

„...ერთს ვიწრო ხიდს დაგიდებ და ზედ ერთი მგელი, ერთი თხა და ერთი **ზრუგი** თივა თითო თითოდ გაიტანე“.

„სიბრძნე-სიცრუე“.

**სული** (ორი **სული** ხვოჯ, ხუთი **სული** ბალანე).

„ასი **სული** ცხვარი დაკლა  
და ორასი ნიშა ხარი“...

**ნაბიჯი** (საკანი ჭ. ლომთათიძისა იყო „**შვიდი ნაბიჯი, შვიდი შვიდი**“. ორას ნაბიჯს ხევსურეთში დაბახი ჰქვიათ).

**ნეკი**

„რაა მისი წამალი?  
— ცხრაი ნეკი ნაცარი“

**პუწკი** (რასაც სამი თითით აიღებენ).

**უბე** (ერი **უბე** სხალი, თხილი, ვაშლი).

**კალთე** (ერი **კალთე** ყურძენი, ბალახი, ფურცელი).

**ჭაჭვი** (ერი **ჭაჭვი** ლობიე, ლომი, სიმინდი. „**ჭაჭვით** დააქ მუცელიო“, იტყვიან დამშეულზე).

**ტორი** (ერი **ტორი** წყალი, სიმინდი, ქვიშა).

**ჯილი** (ერი **ჯილი** ფხასვი, ქვიშა, ბალახი „**ჯილი** ში დიეტიდა ბედელში არა“. (ჭოკი). საფლავის სიღრმეს გურიაში მჯილით ზომავენ. სავალდებულოა **ცხრა მჯილი**).

„ცხრა მჯილის სიღრმე გავთხარე,  
დავასაფლავე ძმანო.  
ტურებმა ველარ შეჭამა,  
მტერსა დაუფსე თვალიო“... და სხვა.

**კლავი** (ერი კლავი შეშა, ჩალა, ბალახი).

**კოჭამდი** (კოჭამდი წყალი, ტალახი, თოლი).

**მუხლი** (ერ მუხზე მივირბენ და ქე მუალო, იტყვი-  
ან: საქმის 1, 2, 3, 5, 10 მუხლი).

<b>მუხლამდი...</b>	}	„— შეილო ზურაბ, სანამდი?
<b>წელამდი...</b>		— ვაძმე დედავ, <b>მუხლამდი...</b>
<b>ყელამდი...</b>		<b>წელამდი...</b>
		<b>ყელამდი...“</b>

**ყლანტი** (ერი ყლანტი თაფლი, ღვინო, წყალი, არაყი).

**ძირი** (ორი ძირი ნაძვი, ათი ძირი ვარდი, ოცი ძირი სკაჲ).

„ბახჩაშია გადვიხედე: სამი ძირი პრასა.  
სანაქებო პატარძალმა“ ზეთ სუფრაზე...“ და სხვა.

## საზომები ადამიანის გარემოსაგან გამომდინარე.

როდესაც ადამიანს არა ჰქონდა დროს საზომი იარაღი, ის კმაყოფილდებოდა იმ დაკვირვებით, რასაც მას გარემო აწვდიდა.

### ბზის ამოსლის ხანი

„...თუშნი და ლეკნი შაიბნენ,  
ჩამოტეხნას ღგავ ცისასა.  
ომ იქნა მუხაციხესა  
დილ ამოსელასა მზისასა“...

### დაბალი სადილობა

### სადილობა

„მიმინოსა მწყერი უყვარს, შავარდენსა ნადირობა.  
 თუ დედასა შვილი უყვარს,—ახლა კია სადი-  
 ლობა“.

### მუშის სადილობა

#### მაღალი სადილობა

„კას ყმას აჭმიე, დედაო, დილასადრიან სადილი:  
 ან ხმა რამ შამოღვარდების, ან თას გაუა ნადირი.  
 ცუდსა რად უნდა ჩემ კვალსა მზის დაცხომამდე  
 სადილი“!..

### შვალღე

**ზამლობა** (ზა(რ)მლობა=ზამლობა. რასაც აღმ. სა-  
 ქართველოში ჰქვიან სამხარი, იმას გურიაში  
 უწოდებენ ზარმელ(ს).

### ქათმის დაუენის დრო

**მოუამება** (იგივე დაბინდება).

### დღე და ღამის გაყრა

#### ვახშობა

#### დაბალი ვახშობა

#### მაღალი ვახშობა

#### დაწოლის დრო

**მიძინილი** (ერი მიძინილი, ორი მიძინილი).

### შვალამის ხანი

„...აღვანში თუშიშვილებსა მუქარა მოსდის მტრისაო...:  
 არ ქნილა შულამის ხანი, — ბიბინ დვას ლეკე-  
 ბისაო“.

### ნაშვალამევი

„შულამე გადავიდა,  
 ასტყდა, ასტყდა ზარის რეკა“.

### მამლის ყივილი

#### პრველი მამლის ყივილი

#### მეორე მამლის ყივილი

#### მამლის ყივილის მოხშირება

„ქალსა ეძახდა დედაი:—ქალო, ქათმები ყივისა.  
—რა იქნა? რა დაგემართათ, დაზძენით ჩემის ჭირითა!  
ჯერ კი არ გათენებულა, არც მე გაემძღარვარ  
ძილითა!“

ან:

„რა ხანია მამოაყინწამ  
იყივლა და გაათენა“...

### გათენიოს ხანი

„...ადგეს, წავიდეს ხევსურნი, აფორას ლესვენ ხმალსაო.  
ხუთშაბათთენებაზედა ურჯულო გადმოხდა  
მთასაო“.., და სხვა.

### ადგომის დრო

### ქათმის გაშობის დრო

ძალლის იალონი („ამ ძალლის იალონზე რამ წამო-  
გაგდოო?“ იტყვიან).

### კეცის დადმის დრო და მისთანანი.

ამგვარად, ადამიანს ბუნებრივი საშუალებანი ჰქონ-  
და თვალხილულ საგნებისა, თუ მოვლენათა გაზომვა და-  
ეწყო ჯერ ბიოლოგიური სამყაროდან და მერმე გარემო  
ბუნების საშუალებით.

დროთვაზომვა კი ადამიანმა შეუფარდა ბუნების მოვ-  
ლენათა სწორ დაკვირვებას. მაგალითად, ვარდების აყვა-  
ვების თვეს დაარქვა ვარდობისთვე, იმ თვეს, როცა მკიან  
—მკათათვე, იმ თვეს, როცა ღვინო შემოდის—ღვინო-  
ბისთვე, იმ დროს, როცა იძინებენ—მიძინილი, იმ დროს,  
როცა ძაღლები იძინებენ—ძაღლის იალონი.\*)

რაც შეეხება საქართველოში გავრცელებულს საზომი  
რიცხვის „ცხრა“-ს წარმოშობას, იგი ეკუთვნის მეტად  
შორეულ წარსულს, მისი საფუძველი ბუნებრივი მოვლე-

\*) ძაღლები საზოგადოდ გათენებისას იძინებენ.

ნაა, და მაშასადამე, არ შეიძლება ეკუთვნოდეს ერთ რომელიმე ერს.

ადამიანი, უეჭველია შენიშნავდა, რომ განაყოფიერების დღიდან მოლოგინებამდე დედა იმყოფება ორსულობის ხანაში. ამ ხანას თავისი ზომა აქვს. ადამიანს დიდად აინტერესებდა ჰქონოდა ის გარკვეული საზომი, რითაც ის გაიგებდა — როდის გამოჩნდებოდა ნაყოფი მათი სიყვარულისა; როდის შეემატებოდა ოჯახს ახალი წევრი; როდის ესტუმრებოდა ოჯახს სანუკვარი სტუმარი.

„ერთი სტუმარი მესტუმრა მიზღღემში უსტუმრებელი, იმფერ სადილი მივართვი, — სუფრაზე დუჟდებელი“.\*)

ამის გაგება, ამ საზომის გამონახვა არც ისე ძნელი იყო, რომ კაცმა სთქვას.

ადამიანს თავიდანვე შემჩნეული ჰქონდა, რომ სქესობრივად მწიფე ქალს ეწყება თვიური. და რაკი ეს მოვლენა ხალხის აზრით მთვარესთან იყო დაკავშირებული, ამიტომ ხალხი მას უწოდებს „სამთვარია“-ს.

ეს ბუნებას წესად დაუდგენია და აკი მას ეძახიან „დედათ წესს“ ან „რიგს“.

განაყოფიერების დღიდან დედას შეუწყდება ხოლმე რიგი და ის აღარ გამოჩნდება ბავშვის შობამდე.

ახალი „სტუმრის“ მოსვლამდე დედა ითვლიდა თვეებს... ორსულობის უკანასკნელ თვეს გურიაში ჰქვია „თვეში ფეხის ჩადგმა“. ამ თვეში ფეხის ჩადგმის გაგება

\*) ბავში და დედის ძუძუ.

\*\*\*) თუ მივიღებთ მხედველობაში იმ გარემოებას, რომ თვიურის პერიოდში ქალის ფიზიკური და ფსიქიური კონსტიტუცია იმყოფება საფრთხილო, აზიზ, სათუო მდგომარეობაში, მივალთ იმ დასკვნამდე, რომ სიტყვები **სა-მთვარ-ია** და **ს-ათუთ-** ერთსადა იმავე ეტიმოლოგიურ გენეზისს აქვემდებარებიან.



ყოველ დედას აინტერესებს... და რაკი ძველად თვეები არ იცოდენ, დედა ითვლიდა მთვარეს\*) რიგის. შეწყვეტიდან, ე. ი. განაყოფიერებიდან დედა ითვლიდა მთვარეს და ყოველთვის კი გამოუდიოდა ცხრა,—ცხრა მთვარე, ცხრა თუთა.

რამდენად მოსახერხებელია თვეების თვლა მთვარის საშუალებით, ან მთვარის თვლა თვეების მაგივრად, ამის მშვენიერ ილახუსტრაციას იძლევა კუნძულ იავაელების ცხოვრებიდან დაწერილი მოთხრობამ ულტატულინსა\*\*).

როგორც დავინახეთ, ძველად ადამიანს თვითონ ბუნება აძლევდა საანგარიშო საფუძვლებს... ყოველმა დედამ იცოდა, რომ განაყოფიერების დღიდან მას შეუწყდებოდა თვითური მთელი ორსულობის განმავლობაში. ამავე დროს მისთვის საჭირო იყო იმის გაგება, თუ როდის ჩაადგამდა თვეში ფეხს... დედა ჰხაზავდა, ან ტალიებით\*\*\*) ითვლიდა განვლილ მთვარეებს და მეცხრე ტალიით ის ტყობილობდა, რომ იყო თვეში ფეხჩამდგარი. მეცხრე ტალია ეუბნებოდა, რომ ახლოვდება დრო, როცა მას ხელში ეყოლება სანუკვარი „სტუმარი“, მისივე მზგავსი არსება, მისი სიცოცხლის გაგრძელება, მოხუცებულობის ჟამს საიმედო დასაყრდენი ყავარჯენი.

\*) მთვარეს მეგრულად ჰქვიან თუთა. იგივე სიტყვა აღნიშნავს „თვე“-ს. (შეადარეთ ანალოგიური მოვლენა რუსულში: Месяц=მთვარე, Месяц=თვე).

\*\*) იხ. საყმაწვე. ჟურნ. „წითელი სხივი“ 1926 წ. № 5. „საიდი და აღინადა“. თარგმანი პ. მ—ისა,

\*\*\*) როცა გურულებს კალოდან გოდროთ სიმინდი შეაქვთ ნალიაში, ყოველი გოდროს შეტანაზე ცალკე სდებენ თითო სიმინდის ტაროს. კალოს აღების შემდეგ რამდენი ტაროც აღმოჩნდება, მაშასადამე, იმდენი გოდროი სიმინდი შესულა ნალიაში. აი ამ ტაროებს ეტყვიან „ტალია“-ს, ასეა სხვა ჭირნახულის ანგარიშიც.

ბუნების ეს საოცარი მოვლენა მშვენივრად შეუცვნია ჩვენს ხალხს, რასაც ამტკიცებს პოეტურ (!) ფორმაში გამოთქმული მისი ფილოსოფიური შეხედულება:

სამი წვეთი სისხლი ვიყა

მამის ხელში დაფარული, მდგნარი მე.

დედამ სტუმრად მიმიწვია.

მასთან დავრჩი:

**ცხრა თვე,**

**ცხრა ნიმუტი,**

**ცხრა წუთი.**

რომ გავიდა

**ცხრა თვე,**

**ცხრა ნიმუტი,**

**ცხრა წუთი,**

დავპტრიალდი: შობელს ვატკინე გვამია.

როგორც სჩანს ეს ლექსი — როგორც ლექსი, მეტად კოჟლი და დაფეხვილია. მაგრამ ამ შემთხვევაში ჩვენ მისი გვანტერესებს არა პოეზიური, არამედ მეცნიერული მხარე.

და ასეა თუ ისე, ყოველივე ზემოდ თქმული, გვგონია — გვაძლევს საშვალელებს დავასკვნათ: რიცხვი **ცხრა**, როგორც საანგარიშო ერთეული, აღმოცენებულია იმ საფუძველზე, რომ ძველად დედები ორსულობის ხანას მთვარით ანგარიშობდნენ. ხოლო ამ ხანაში თავსდებოდა **ცხრა მთვარე, ცხრა თუთა.**

აქ უნდა წერტილი დასმულიყო, მაგრამ ვფიქრობთ — მთავარ აზრთან დაკავშირებულია ერთი კითხვა. სახელდობრ: რადგან ორსულობის ანაგება მთვარის ბუნებასთან იყო დაკავშირებული, ხალხს აკი მთვარისადმი ლოცვაც შეუქმნია:

„მთვარე ვნახე ნებაზეო,  
 გულის გახარებაზეო.  
 წელი მთელი, გული მთელი,  
 ხელსაქნარი ხვავრიელი“.

ამ ლოცვას გურიში ადავლენენ ახალი მთვარისად-  
 მი სამჯერ, სამჯერ შეუხტებიან და სამჯერვე შეუწრუწუ-  
 ნებენ. (უკანასკნელი ჩვენის აზრით უნდა იყოს კოცნა  
 მთვარესთან. რაჭველები კი ხელზე იკოცნიან).

გურული ლოცვის სიტყვები „ხელსაქნარი ხვავრიე-  
 ლი“ რამდენადმე ენათესავება ხევსურულ ადათს. სახელ-  
 დობრ: მენსტრუაციისა და მშობიარობის დღეებში დედა-  
 კაცს ათავსებენ ცალკე ქოხში, რომელსაც **სამრელოს** ეძა-  
 ხიან. იქ ქალები, რაკი სხვა საქმე არაფერი აქვთ, **ხელსაქ-  
 ნარობენ**.

„შაგენაცვლა თავისა და  
 საყვარელა ტანასაო!  
 წინგარდაზე გამოსჩინდი,  
 მათგელებ დანასაო...  
 ქალი ვზივარ სამრელოში,  
 ვაძგრიალებ ტარასაო“.

როდესაც კი ადამიანი პირველყოფილ მდგომარეო-  
 ბას დიდი მანძილით დაშორდა, მან შეჰქმნა დროს თე-  
 ორიული საზომი, რომელიც ბოლოს გადაიტანა პრაქტი-  
 კაში: შეადგინა კალენდარი.

დროთგაზომვის პრაქტიკულმა დამუშავებამ მთვარით  
 ანგარიში თვეობით ანგარიშზე შესცვალა.

ამის შემდეგ ორსულობის ხანას ითვლიან არა **მთვა-  
 რით**, არამედ **თვით**.

ამის შემდეგ ორსულობის ხანას ანგარიშობენ, არა  
 მთვარით, არამედ **ცხრა თვით**.

ცხრა თვეს მუცლით გატარებდი,  
 ცხრით გშობე, ვუთ გზარდე“...

მოკლეთ: ადამიანის ცხოვრებაში ყველაზე უშესანიშნავესი მომენტი არის ის დრო, როდესაც ითხზება სიცოცხლე მისი. ამიტომაც არის—უეცარი სიხარულის დროს წამოიძახებენ ხოლმე: „ვაჲ დაბადებავ!“ ან: „ვაჲ გაჩენავ!“ ანაც მუნათისა და სასოწარკვეთის დროს: „ჩემი გაჩენა რეჲა არ დეიქცა!“ ან წყევლა: „შენი დაბადება დეიქცა!“ „შენი გაჩენა დეილუპა!“ სამაჰმადიანო ქვეყნებში გატაცებული ან გაყიდული ქართველი დედები, როცა დაინახავდენ—მათი შვილები საქართველოზე საომრად წამოვიდოდენ, უბიდან ძუძუებს ამოიყრიდენ, ფრჩხილებით იგლეჯდენ და შვილებს სწყევლიდენ: „რად არ დაიქცა ისი დღე, შენ რომ ჩემს მუცელში ისახებოდიო!“

და ეს დრო—დრო ადამიანის სიცოცხლის შეთხზვისა—მკაცრად განსაზღვრულია ცხრა თუთათი. წარმოშობა ადამიანის სიცოცხლისა არც გადასცილდება და არც გადმოსცილდება ცხრა თუთას. ამ განსაზღვრულ დროს ყოველთვის და ყოველგან დედამიწის ყველა ხალხებში ცხრა ტალია აჩვენებდა.

და აი, ჩვენ ვფიქრობთ, რომ სწორედ აქ არის საფუძველი იმისი, რომ რიცხვი „ცხრა“ კაცობრიობას აუღია, როგორც სიმბოლიური სათვალავი ერთეული.

შანი 20 კვ.

39

მ 814